

OHR: Povlačenje iz sporazuma o prenosu nadležnosti je pravno upitno



Ured visokog predstavnika smatra da je mogućnost da se jednostrano povuče iz sporazuma o prenosu nadležnosti, koji su prethodno doneseni demokratskim pristankom zakonodavnih tijela oba entiteta, pravno upitna te da to može utvrditi samo Ustavni sud Bosne i Hercegovine.

OHR je jasno izrazio svoj stav o ovom pitanju u odgovoru na nedavne izjave Vlade Republike Srpske u vezi sa sporazumima o prenosu nadležnosti.

Do danas su izvršena samo tri zvanična sporazuma o prenosu nadležnosti i to u oblasti pravosudne reforme, reforme odbrane i indirektnog oporezivanja, a međunarodna zajednica nije nametnula niti jedan od ovih dogovora.

Na osnovu ovih sporazuma o prenosu nadležnosti Bosna i Hercegovina je ostvarila niz važnih prednosti. Sporazumi o prenosu nadležnosti su doprinijeli napretku u euro-atlantskim integracijama.

Sve ono što je proisteklo iz sporazuma o prenosu nadležnosti uključuje pozivnicu za pristupanje NATO-ovom Partnerstvu za mir, povećanje prihoda putem jedinstvenog računa i prikupljanja poreza putem Uprave za indirektno oporezivanje, jednaka pravila i propise u vezi sa sudijama i tužiocima. Aktivnosti na povlačenju iz sporazuma o prenosu nadležnosti bi ugrozile ove prednosti i evropska perspektiva Bosne i Hercegovine bi mogla postati upitna.